

c. 796—804 ecclesiastica doctrina praecellentior. Sed nunc quasi tugurium in vinea^a derelictum, vulpibus et feris habitatio, qui depascere solent vineam Christi. Ille vero tuus quondam^b compar et eruditionis particeps, templum Dei vivi, et sancti Spiritus habitatio, Deo dilectus et hominibus, aeternas sibi in caelo cotidie praeparat mansiones. Dum tu terrenas sequeris foeditates^c et lugubre^d perditionis iter per vitiorum praecipitia^e ruiturus recurris.

Surge, obsecro, fili mi^e karissime^f, surge et vade ad fratrem tuum^g, de quo ante dixi, quia vos una genuit ecclesia, una erudit disciplina, unus instruit et pater: fiat vobis nunc quoque una concordia, et unum salutis tuae consilium, et una ecclesiasticae pietatis habitatio. Scio illum tuis multum gaudere profectibus. Noli preces^h paternas contempnere, noli lacrimasⁱ magisterii mei neglegere. Consolare me de tua salute, ne diabolus gloriatur contra me in perditione tua. Ego te filium carissimum nutrivi, alui, erudivi^j. Non sis mihi in confusionem et tibi metipsi in contumeliam^k et coetaneis^l tuis in obprobrium. Fac viriliter et confortare in Domino et vince

Ioh. 16, 33. omnes adversarios tuos per eum, qui ait: 'Confidite, ego vici mundum'; ut gaudium^m 15
cf. Prov. 10, 1. meum plenum sit in te, et gaudium tuum nemo tollatⁿ a te. Filius sapiens gloria est patris^o. Non tantum mihi, qui te genui, gaudium facies ineffabile, sed etiam iuxta evangelicam parabolam, quam paulo ante in hac eadem epistola proposui, omnibus 20
Luc. 15, 10. angelicis gaudium facies dignitatibus. Noli subtrahere illorum laetitiae^p et tuae beatitudini^q. Si modo in praesente^r facias illos laetari^s in tua paenitentia, cum illis in 25
gloria tribuet te Deus laetari^t in aeternum.

Haec tecum maneat cartula^u, et saepius legatur^v, donec perficiatur^w, quod optat qui dictavit illam. Credo, faciens faciet Deus, quod paterna caritas quaerit in filio. 30
Prov. 27, 1. Sed tu noli tardare converti ad Deum, quia nescimus, quid ventura pariat^x dies. Deus hodiernam recipit certissime paenitentiam, sed longevitatem praesentis vitae 35
non promisit. In dubio ultimi diei^y nos dereliquit, ut semper paratos inveniret cum
cf. Matth. 25, 6. 7. bonorum lampadibus meritorum obviare sibi.

296.

Alcvinus monachis S. Vedasti Atrebatensibus mittit versus in ecclesia a Radone abbate denuo aedificata inscribendos; et missas, partim e missali libro petitas partim a se scriptas. Addit de admonitione homiliari postea scribenda. c. 796—804. 30

Cod. Atrebat. 734 (quondam 686) Vedastin. saec. XII, quem contulit I. Heller b. m.

Edd. Martène et Durand Vet. Script. ampl. coll. I, 49—51, F 46, J 224. — Migne col. 215.

CARISSIMIS IN CHRISTO FRATRIBUS HUMILIS LEVITA ALBINUS^a SALUTEM.

Sicut domni abbatis^b vestraque suavissima caritas demandavit, versus per singulos titulos aecclesiarum et altaria singula dictavimus; et utinam tam rationabiliter^c 35
quam libenter. Quia vestrae sanctitatis iussio me compellit citato dictare sermone. Tamen vestra pietas defendat quae^d nostra humilitas oboedienter exaravit.

^a) finia S 1, H. ^b) conpar quond. S 1. ^c) feditates T*. ^d) lugubre H, T*. ^e) om. D, S 1.
^f) carissime T*. ^g) om. T*. ^h) lacrimam T*. ⁱ) contumelium H. ^k) coetaniis S 1. ^l) tollit D.
^m) letitia D; laetitia S 1, H. ⁿ) tuam beatitudinem T*. ^o) post corr. presenti T*. ^p) laetare 40
D, S 1; corr. alio atram. laetari T*. ^q) cartola S 1. ^r) perficiat D, S 1, H; proficiatur T*. ^s) parcat
S 1, D; corr. in pariat H. ^t) om. D.

296. ^a) Albinus c. ^b) quam c.

1) Cf. supra p. 451 l. 18: Olim te genui, nutrivi, alui. 2) Cf. supra p. 71 ep. 29; p. 183 l. 28.
3) Cf. supra p. 155 l. 36; 156 l. 25. 4) Radonis; v. infra p. 455 n. 5, supra p. 116 n. 1. 45